

---

Saksnr: 2019/11-111  
Saksbehandlar: Merethe Jenny Helland  
Nordnæs

---

**Saksgang**

Utval	Utv.saksnr.	Møtedato
Valnemnda		28.09.2021
Fylkestinget		29.09.2021

Varig fritak frå verv som styremedlem i stiftinga Vestnorsk kulturakademi. Val av nytt styremedlem til stiftinga Vestnorsk kulturakademi i

Forslag til innstilling

1. Atle Ove Marthinussen vert innvilga varig fritak frå vervet som medlem av styret i Vestnorsk Kulturakademi.
2. Fylkestinget gjer slikt val av nytt medlem til styret i stiftinga Vestnorsk Kulturakademi for perioden  
01.10.2021 - 30.09.2023:

**Samandrag**

Tidlegare styremedlem i Vestnorsk kulturakademi, Atle Ove Martinussen, har fått nye roller i Vestnorsk Kulturakademi og representerer ikkje lenger Vestland fylkeskommune i styret. Det må difor gjerast val av eit nytt styremedlem. Representantane vart valde for ein periode på to år. Fylkeskommunedirektøren legg med dette til rette for val av eit nytt styremedlem til stiftinga Vestnorsk Kulturakademi for perioden 01.10.2021 - 30.09.2023, samt at det vert gjeve fritak frå vervet som styremedlem for Atle Ove Martinussen.

Rune Haugsdal  
fylkeskommunedirektør

Ingrid Kristine Holm Svendsen  
avdelingsdirektør

*Saksframlegget er godkjent elektronisk og har difor inga handskriven underskrift*

## Saksutgreiing

### Bakgrunn for saka

Vestnorsk Kulturakademi er etablert som eit regionalt kompetansesenter for kultur- og tradisjonsformidling. Vestnorsk Kulturakademi har som hovudmål å ta vare på, formidla og vidareutvikla erfaringskunnskapen som ligg i den vestnorske kulturarven. Det skal leggast spesiell vekt på å skapa grunnlag for kulturforståing og utvikling- gjennom formidling av handverks- og byggetradisjonar., kunnskap om råvarer og kvalitet, lagning av mat og klede, samt formidling av regionhistorie sett i høve til Europa elles.

Det går fram av vedtektene for Vestnorsk Kulturakademi pkt. 4, at stiftinga vert leia av eit styre på sju medlemmer samansett slik:

- A Ein representant vald av Universitetet i Bergen*
- B Ein representant vald av Vestnorsk Kulturakademi*
- C Ein representant vald av Voss kommune ved Høgskulenemnda*
- D Ein representant vald av Høgskulen i Bergen*
- E Ein representant vald av Hordland Fylkeskommune, Kulturseksjonen*
- F Ein representant vald av Fylkesmannen i Hordaland, Landbruksavdelinga*
- G Ein representant vald av Hordaland Husflidslag*

*Representantane vert valde for ein periode på 2 år. Same organ som vel styremedlemmer skal og velja sin vararepresentant. Valet skal gjerast slik at styremedlem og varamedlem ikkje lett vert ugilde i viktige saker som styre skal handsama. Styret konstituerar seg sjølv.»*

Fram til no har medlemmane i styret blitt vald administrativt. Styret er i dag samansett av ca. 50 prosent av kvinner og ca 50 prosent av menn. Det er ikkje krav i vedtektene om kjønnsbalanse, men det er opplyst at dette er gjort ved val av styremedlemmer.

Martinussen har tidlegare vore styreleiar i stiftinga. Styreleiar er no Vidar Skeie.

Tidlegare styremedlem, Atle Ove Martinussen, har kontakte fylkeskommunen ved E-post den 18.09.2021. Han skriv at han ikkje lenger er styremedlem i Vestnorsk Kulturakademi og representerer ikkje lenger Vestland fylkeskommune i styret. Han er no dagleg leiar i stiftinga. Han ber om at det vert peika ut eit nytt styremedlem frå Vestland fylkeskommune.

### Vedtakskompetanse

Fylkestinget har vedtakskompetanse. Det går fram av reglement for folkevalde organ og delegering, reglement for fylkestinget pkt. 2.4.6:

*«Val av representantar til styrande organ i selskap, stiftingar, institusjonar o. l.»*

### Vurderingar og verknader

Tidlegare styremedlem frå Vestland fylkeskommune, Atle Ove Martinussen har no fått nye roller i Vestnorsk Kulturakademi. Han ber Vestland fylkeskommune om å gjera eit nytt val av styremedlem.

Sett i lys dette, kan Marthinussen sin E-post av 18.09.2021 og tolkast som ein søknad om fritak frå verv som styremedlem i Vestnorsk Kulturakademi, jfr. kommunelova § 7-9 nr. 2.

Det går fram av kommunelova § 7-9 nr. 2:

*«Hvis en folkevalgt ikke kan ivareta vervet sitt uten at det fører til vesentlig ulempe for han eller henne, kan kommunestyret eller fylkestinget etter søknad frita den folkevalgte for vervet midlertidig eller for resten av valgperioden. Når søknaden vurderes, skal det legges vekt på om grunnlaget for søknaden var kjent på det tidspunktet da den folkevalgte samtykket i å bli valgt. Den som ikke har nådd stemmerettsalderen, har krav på fritak hvis han eller hun søker om det.»*

Marthinussen ber om at det vert gjort nytt val, då han no er dagleg leiar i Stiftinga. Sjølv om det skal leggast til grunn ei streng vurdering for å gje fritak, er det fylkeskommunedirektøren si vurdering at vervet som styremedlem er vanskeleg å kombinere med rolla som dagleg leiar av stiftinga.

Fylkeskommunedirektøren finn at vilkåret for fritak etter kommunelova § 7-9 2. ledd er oppfylt.

Fylkeskommunedirektøren legg med denne saka, til rette for val av nytt styremedlem for stiftinga Vestnorsk Kulturakademi.

**Økonomi:** Ikkje relevant. Det er sett av midlar på budsjettet til møtegodtgjersle.

**Klima:** Ikkje relevant.

**Folkehelse:** Ikkje relevant.

**Utviklingsplan for Vestland 2020-2024 (Regional planstrategi):** Ikkje relevant.

Konklusjon

Fylkestinget innvilgar Atle Ove Martinussen varig fritak frå vervet som styremedlem i stiftinga Vestnorsk Kulturakademi.

Fylkestinget gjer val av nytt styremedlem til stiftinga Vestnorsk kulturakademi.